



СЭЛЭНГЭ АЙМГИЙН САНХҮҮГИЙН ХЯНАЛТ,  
ДОТООД АУДИТЫН ГАЗАР  
УЛСЫН АХЛАХ БАЙЦААГЧИЙН  
АЛБАН ШААРДЛАГА

2026 оны 05 сарын 29 өдөр

Дугаар 03/32-01

Сүхбаатар сум

**Зөрчил арилгуулах тухай**

Төсвийн тухай хуулийн 14 дүгээр зүйлийн 14.2.10, Төрийн хяналт шалгалтын тухай хуулийн 10 дугаар зүйлийн 10.9 дэх хэсэгт заасан хяналт шалгалтын байгууллага (Улсын байцаагч)-ын бүрэн эрхийн хүрээнд Сэлэнгэ аймгийн Санхүүгийн хяналт, дотоод аудитын газар нь аймгийн Засаг даргын 2026 оны 04 дүгээр сарын 24-ний өдрийн ДА-2026/11/ҮА дугаартай удирдамжийн дагуу Сэлэнгэ аймгийн Баянгол сумын төсвийн төвлөрүүлэн захирагчийн 2024-2025 оны үйл ажиллагаанд хийсэн аудитаар иргэдийн санал аваагүй, зураг төсөв, тооцоо судалгааг урьдчилан хийгээгүй 2024 онд 2,087,488,600 (Хоёр тэрбум наян долоон сая дөрвөн зуун наян найман мянга зургаан зуу) төгрөгийн төсөвт өртөгтэй 6 төсөл арга хэмжээ, 2025 онд 783,000,000.0 (Долоон зуун наян гурван сая) төгрөгийн төсөвт өртөгтэй 2 төсөл арга хэмжээ, нийт 2,870,488,600 (Хоёр тэрбум найман зуун далан сая дөрвөн зуун наян найман мянга зургаан зуу) төгрөгийн төсөвт өртөгтэй 8 төсөл, арга хэмжээг ОНХС-ийн хөрөнгөөр төлөвлөж баталсан зөрчил илэрлээ.

Энэ нь Төсвийн тухай хуулийн 29.4-т "Хөрөнгө оруулалтын төсөвт техник, эдийн засгийн үндэслэл хийгдсэн, зураг төсвөө батлуулсан, хуульд заасан бусад зөвшөөрөл олгогдсон төсөл, арга хэмжээг тусгана", Сангийн сайдын 2021 оны 86 дугаар тушаалаар батлагдсан "орон нутгийн хөгжлийн сангийн үйл ажиллагааны журам"-ын 4.3.2-д "ОНХС-ийн хөрөнгөөр санхүүжүүлэх төсөл нь тухайн орон нутгийн иргэдийн саналаар дэмжигдэж эрэмбэлэгдсэн байх", 4.3.3-д "ОНХС-ийн хөрөнгөөр санхүүжүүлэх хөрөнгө оруулалт, хөтөлбөр, төсөл, арга хэмжээ нь хуульд заасны дагуу зураг төсөв, техник, эдийн засгийн үндэслэлтэй, байгаль орчны төлөв байдлын үнэлгээ хийгдсэн, бусад холбогдох зөвшөөрөлтэй байх", 4.7.5-д "Орон нутгийн иргэдийн саналыг аваагүй зардлыг баталж санхүүжүүлэхийг хориглосон" гэсэн заалтуудыг тус тус зөрчсөн байна.

Иймд Төрийн хяналт шалгалтын тухай хуулийн 10 дугаар зүйлийн 10.9.8-д "Хяналт шалгалтын явцад илэрсэн зөрчил дутагдлыг таслан зогсоох, түүний шалтгаан нөхцөлийг арилгах талаар холбогдох байгууллага, аж ахуйн нэгж, иргэн,

албан тушаалтанд шаардлага тавьж, хугацаатай үүрэг даалгавар өгч биелэлтийг хангуулах", Засгийн газрын 2015 оны 483 дугаар тогтоолоор батлагдсан "Дотоод аудитын дүрэм"-ийн 7 дугаар зүйлийн 7.5-д "Санхүүгийн хяналт шалгалтын улсын (ахлах) байцаагч нь шалгалтаар тогтоосон ажлын үр дүн,

4326007024

зөрчил, түүнийг арилгах талаар цаашид авах арга хэмжээг тодорхойлсон шалгалтын тэмдэглэл, санхүү, төсөв, нягтлан бодох бүртгэлийн холбогдолтой хууль тогтоомж зөрчсөн албан тушаалтны төлөх торгууль, төлбөрийг заасан нэг бүрчилсэн акт, албан шаардлага бичнэ.” гэсэн заалтуудыг тус тус үндэслэн **ШААРДАХ нь:**

1. 2027 оны Орон нутгийн хөгжлийн сангийн төсвийг боловсруулах, батлуулах үйл ажиллагаанд иргэдийн оролцоог хангаж, иргэдээс ирүүлсэн саналд үндэслэн эрэмбэлэгдсэн төсөл, арга хэмжээг сангийн эх үүсвэрийн зориулалт, холбогдох төсвийн ангилалд нийцүүлэн төлөвлөж хэрэгжүүлэх.
2. Цаашид дээрх зөрчлийг дахин давтан гаргахгүй байх, биелэлтийг 2026 оны 12 дугаар сарын 10-ны өдрийн дотор Сэлэнгэ аймгийн Санхүүгийн хяналт, дотоод аудитын газарт ирүүлэхийг Сэлэнгэ аймгийн Баянгол сумын засаг дарга Н.Давааням, ерөнхий нягтлан бодогч Г.Баясгалан нарт даалгав.
3. Энэхүү албан шаардлагыг эс зөвшөөрвөл Захиргааны ерөнхий хуулийн 94 дүгээр зүйлийн 94.1-т заасны дагуу хүчин төгөлдөр болсон өдрөөс хойш 30 хоногийн дотор эрх бүхий байгууллага, албан тушаалтанд гомдол гаргах эрхтэй.

АЛБАН ШААРДЛАГА ӨГСӨН:

СЭЛЭНГЭ АЙМГИЙН САНХҮҮГИЙН  
ХЯНАЛТ, ДОТООД АУДИТЫН  
ГАЗРЫН ДАРГА САНХҮҮГИЙН  
ХЯНАЛТ ШАЛГАЛТЫН УЛСЫН  
АХЛАХ БАЙЦААГЧ



Т.ОДСҮРЭН

ЗӨВШӨӨРСӨН:

СЭЛЭНГЭ АЙМГИЙН БАЯНГОЛ  
СУМЫН ЗАСАГ ДАРГА  
Н.ДАВААНЫМ  
ЕРӨНХИЙ НЯГТЛАН БОДОГЧ



Г.БАЯСГАЛАН



